

UNIVERZITET U TUZLI
Ul. Dr. Tihomila Markovića br. 1
Broj: 01-54-JN-21/23 LOT 1
Tuzla, 02.06.2023. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 65. stav (1), tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-54-JN-20/23 LOT 1 od 02.06.2023. godine, po punomoći Rektora Univerziteta u Tuzli broj: 01-2593-1/20 od 11.06.2020. godine Direktor za ekonomske poslove, *donio je*

O D L U K U **O IZBORU NAJPOVOLJNIJEG PONUĐAČA**

I

U okončanom Otvorenom postupku javne nabavke usluga projektovanja građevina prve faze razvoja Kampusu Univerziteta u Tuzli: LOT 1 - Glavni projekat Građevine 1 (Edukacijsko-rehabilitacijski fakultet, Ekonomski fakultet, Filozofski fakultet, Pravni fakultet), izabran je ponuđač "HG-INŽENJERING" d.o.o. Tuzla kao najpovoljniji sa ponuđenom cijenom od 94.150,00 KM (slovima: devedesetčetrihiljadestotinu pedeset konvertibilnih maraka) bez PDV, odnosno 110.155,50 KM (slovima: stotinudesethiljadestotinu pedesetpet i 50/100 konvertibilnih maraka) sa PDV, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove postavljene u Tenderskoj dokumentaciji i zato što je imala najnižu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 10. Tenderske dokumentacije.

Prema odredbi člana 72. stav (3) tačka a) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. Zakona.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluka ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za nabavku usluga projektovanja građevina prve faze razvoja Kampusu Univerziteta u Tuzli: LOT 1 - Glavni projekat Građevine 1 (Edukacijsko-rehabilitacijski fakultet, Ekonomski fakultet, Filozofski fakultet, Pravni fakultet), putem Otvorenog postupka javne nabavke broj: : 01-54-JN-2/23 od 24.03.2023. godine objavljenom na Portalu javnih nabavki dana 17.04.2023. godine pod brojem: 795-1-2-13-3-55/23, "Službenom glasniku BiH" broj 28/23 od 24.04.2023. godine i

Ispravke obavještenja broj: 795-1-2-13-8-60/23 objavljenim na Portalu e-nabavke i web stranici Univerziteta.

U ostavljenom roku ponuda su dostavili sedam ponuđača i to: "INDUSTROPROJEKT" a.d. Prijedor, "ROUTING" d.o.o. Banja Luka, Studio "DVA" d.o.o. Sarajevo, "IPSA" Institut d.o.o. Sarajevo, grupa ponuđača: „URBIS CENTAR“ d.o.o. Banja Luka (vodeći član) i JNU "Institut za zaštitu i ekologiju Republike Srpske" Banja Luka, Institut za građevinarstvo "IG" Banja Luka i „HG-INŽENJERING“ d.o.o. Tuzla.

Nakon javnog otvaranja ponuda Komisija za provođenje postupka javne nabavke izvršila je detaljan pregled dostavljenih ponuda te utvrdila sljedeće:

Ponuda ponuđača "Industroprojekt" a.d. Prijedor nije pripremljena u skladu sa zahtjevima iz Tenderske dokumentacije, tačnije ponuda ne sadrži dokument "sadržaj ponude", a kako je to zahtjevano u tački 4.1 b) Tenderske dokumentacije, zatim nadalje priloženi Nacrt ugovora nije propisno popunjen kako je zahtjevano u 4.1 n) Tenderske dokumentacije i u Izjavi iz obrasca - Aneksa II, koja je sastavni dio ponude, nije zaokružena opcija pod tačkom 6. da li ponuđač ima ili nema namjeru vršiti podugovornje.

Zbog svega naprijed navednog ponuda ponuđača "INDUSTROPROJEKT" a.d. Prijedor je ocijenjena kao nepravilna.

U skladu sa tačkom 19. tenderske dokumentacije izvršena je provjera računске ispravnosti prihvatljivih ponuda i utvrđeno je da su ponude računski ispravne. Nadalje, u skladu sa navedenom tačkom i članom 17. stav (7) Uputstva za pripremu modela tenderske dokumentacije utvrđeno je da je ponuđena cijena „HG-INŽENJERING“ d.o.o. Tuzla neprirodno niska, te je ponuđaču "HG-INŽENJERING" d.o.o. Tuzla upućen dopis broj: 01-54-JN-18/23 od 01.06.2023. godine za obrazloženje ponuđene cijene.

Ponuđač je blagovremeno, dana 02.06.2023. godine, dostavio obrazloženje broj: 01/06-HG-2023, u kojem je detaljno objasnio ponuđenu cijenu, kako je i propisano u članu 66. tačka (2) podtačka od a) do e) ZJN, sa podacima o periodu angažovanog osoblja i cijenom po angažovanom osoblju, zatim ekonomičnost pruženih usluga jer je sjedište ponuđača u Gradu Tuzla, a lokacija građevina koje se projektuju je u Gradu Tuzla, što utiče na ukupne troškove kao što su putni troškovi, terenski troškovi kao i korenspondencija i usaglašavanje sa Naručiocem projekta, te pogodnosti koje ponuđač ima za pružanje usluga jer je prethodno izradio idejni projekat za potrebe prve faze razvoja Kampusu Univerziteta u Tuzli.

Obzirom da je ponuđač ponudio osnovano obrazloženje njegova ponuda je prihvaćena.

Ponude ponuđača "ROUTING" d.o.o. Banja Luka, Studio "DVA" d.o.o. Sarajevo, IPSA Institut d.o.o. Sarajevo, Grupa ponuđača: "URBIS CENTAR" d.o.o. Banja Luka (vodeći član) i JNU "Institut za zaštitu i ekologiju Republike Srpske" Banja Luka, Institut za građevinarstvo "IG" Banja Luka i "HG-INŽENJERING" d.o.o. Tuzla sadrže dokaze zahtijevane tenderskom dokumentacijom i tehnički su zadovoljavajuće pa su s toga njihove ponude ocijenjene kao prihvatljive.

U skladu sa kriterijom "najniža cijena" (tačka 4.6) utvrđena je rang lista kako slijedi:

Naziv ponuđača	Ponuđena cijena bez PDV	Rang
HG-INŽENJERING d.o.o. Tuzla	94.150,00 KM	1.
Studio DVA d.o.o. Sarajevo	162.595,00 KM	2.
URBIS CENTAR d.o.o. Banja Luka (vodeći član) i JNU "Institut za zaštitu i ekologiju Republike Srpske" (član grupe)	180.000,00 KM	3.

IPSA Institut d.o.o. Sarajevo	184.330,00 KM	4.
Institut za građevinarstvo "IG" Banja Luka	192.099,00 KM	5.
"ROUTING" d.o.o. Banja Luka	199.000,00 KM	6.

Ponuda ponuđača „HG-INŽENJERING“ d.o.o. Tuzla kao prihvatljiva ocjenjena je kao najpovoljnija u odnosu na zadani kriterij „najniža cijena“.


Budući da ponuda izabranog ponuđača „HG-INŽENJERING“ d.o.o. Tuzla kao prihvatljiva zadovoljava sve postavljene uslove utvrđene u Tenderskoj dokumentaciji to je Komisija predložila da se istom dodijeli Ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
01-54-JN-20/23 LOT 1 od 02.06.2023. godine

DOSTAVITI:
1x svim učesnicima
1x a/a



DIREKTOR ZA
EKONOMSKE POSLOVE
Husein Matović
Husein Matović, dipl.oec.